المينة المامة لقصور الثقافة اقليم نترق الحلتا الثقافة فرنح حمياط الثقافة

# ريحــة الحــنة

﴿ وردة أمشير ﴾

سمير الفيل

أشعار بالعامية المصرية

إصدارات الرواد - العدد ٣٧ - يناير ١٩٩٨

#### إصدارات الرواد

مدير الثقافة بدمياط محمد عبد المنعسم

مدير قصر الثقافة عبد العزيز اسماعيل

ميئة التحرير محمد العسستر مصطفى العايدى ناصر العسزبى احمد الشربينى رافت العساصى رئيس نادى الأدب سمسير الفيسسل

لنفنان هشام محيحي

الرسوم الداخلية والغلاف

### تقديم

الإبداع ، كلمة وصورة وإيقاعاً ، محور رائد للعمل الثقافي .. يستهدف إعادة تجديد وتشكيل الهوية الثقافية الوطنية ، بقدر ماهو مرآة صادقة ومعبرة عن هذه الهوية في ذات الوقت .

وإقليم شرق الدلتا الثقافى ، ومن واقع هذا المفهوم ، يحرص دائماً على التواصل الحى والحلاق والمشجع لكافة منابع وروافد هذه الإبداعات ورعايتها وتطويرها ، إيماناً بأصالتها وقدرتها وحقها فى المساهمة فى صنع تيار الإبداع العام المتدفق فى شتى ربوع الوطن من خلال أجهزة ومواقع الهيئة العامة لقصور الثقافة ووزارة الثقافة بشكل عام .

ولا شك أن الإبداع الأدبى بكافة أجناسه الشعرية والقصصية والمسرحية وغيرها ، له دوره الطليعى بين كافة صور الإبداع الأخرى ، نظراً لدور الكلمة الصادقة والمركزه فى تشكيل العقل والشعور والوجدان . ولذك كان تشجيعنا واحتفاؤنا بصدور هذه الاسهامات الإبداعية الأدبية لنوادى الأدب بفرع ثقافة دمياط ، وغيرها فى كافة مواقع الأقليم .. آملين أن تكون هذه الطفرة فى حركة الإبداع والنشر المتزامن لبداية مرحلة جديدة للإنطلاق والتوهج الإبداعى والثقافى ، فى ظل القيادة الجديدة والواعدة للهيئة ، ممثلة فى شخص الفنان الشامل المبدع الدكتور / مصطفى الرزاز ... ... الادارة المكردة

رئيس الإدارة المركزية لأقليم شرق الدلتا الثقافي

محمد محمود سويلم

الناس اللى حبيت ضعفهم ، وصدقهم ودموعهم

الخلق اللى يحبوا طير الفضا واللون الأزرق ، ونسيم الصبا

والأولاد اللى اتهدوا من المشى فى الحوارى القديمة

سمير الفيل

أغاني للغربة

### ريق النخيل

ريق النخيل اصطفى سفرى
من شعر راسى لحد ضفرى
اغنيات
انا كنت ناوى أمر ع الامنيات
اللي خبيته في مواويلي
انا كنت ناوى
اهز منديلي
المصبح بدرى أعود
اميل بالعود
على زرعى القديم
ما انساش ضريج جدى
في صبح العيد .. بازوره
اون عمامي

ع التراب بيدوروا بيحطوا خوص أخضر ويتقاسموا كبابة الحليب أن كنت باوى أغيب لكن ضلى بياخد بدني للساحة والقي مساحة ه الدكريات والوجوه ىويت اشقر ع البنات اللي يبصوا بخجل مې شيش موارب ما انا عندی قارب حاير في عصر اخرجه ح النيل أنا باسنده ويمر يطوى البلاد ساعة ما بافرد قلوعي ريق النخيل ساعة رجوعي بيهيج عصيره جوه الخلايا وانا مخاوى جنيه بشعور هفهافة لها مهابة ومخافة

تفتح إيديها ترمي الكوز يرتد لي صبايا اخلع جدور الحكاية عطشان وريقى نشف ليه الاتجاه اختلف البوصلة هزت يقيني .. .. في الاشياء دوایا مر يزيح آلام الداء بيقوى أولادى الضعاف قلمي يا وصاف منتهى استدارة الالفاظ آدى بريق الالماظ اكوام دهب حبات من المرجان فين السعادة .. .. والوطن ۳ سنتي موبع جوه الخريطة تضيع .. والخوف بيتربع مادام فلول التتار خاشين

مدينة ..مدينة إنت فضيلتك صواحك موتك هدوء وسكينة سكينة ع الرقبة ، وحوافر الحيل أحلام تبنى ف سوايا بتزغلل عنيك المرايا وتسود الدنيا جناحات الاغربة انت وحيد .. مفيش أجوبة

لما الهرم اتبنى
حجارته مالت عليك
جواها شئ يناديك
جايز عرق فواعلية
وأنين دمهم
رحلة بتطوى الرمل
لما بيشوب دمهم
رحلة بتخنق النبأ
ظمأ ... ظمأ ...

اصطفی سفری مش عارف اصطفی أنا میں صورة لبكرة ولا ليومی الخزيں °

4704


- 11 -

### حصان الوطن

ان باتخطف م الزمن للمكان كلمكان كل المواسم ترمى فواكهها بأوان كل التواريخ تدى ضهرها للكتب والمسلات أوقات باعدى في مركب الأموات أوقات أمسك بقلتي الفخار أمسك بقلتي الفخار أسير في ضل أبطالي المهزومين أفرد على صدرى خريطة

لفلسطين أبص في ملامح السكك وتضاريس الحواري يفزعني لسان جاري أزرق والعيون جاحظه أنا ضعيف الملاحظة لكني ممسوس بالغياب

فين الرفاق الطيبين اللى تخط جرحك على جروحهم اللى تخط جرحك على جروحهم تكمل معاهم رشفة الشاى حتى النوارس بيضة حلت بى ما اعرفش منين يبتدى أنين الوجع ، ودفع الدية أنا بانخطف انخطاف الحطاف احط راسى على الوسادة أشعر بالضفاف



- 14 -

تغوص فى القرار كان النهار واقع تحت حوافز الفرس والتتار داخلين بالجحافل ولسه أولاد عمامى بيوصلوا الفروض بالنوافل

مين فينا كامل جواته حلمه وعلى شفته غنوة كل الفرح ممنوع الزهو والابتسام .. حرام أستدير للزمن أعرف سواد الوقت .. حرقة الانتقام

أنا باحبك ياطفلى وباستعيدك لجل يشتد ساعدك هو النخيل هيساعدك الطمى أهلك والبحر أرضك نقش الجدود ع الصروح .. فرضك أنا مش باعارضك ياللى لسانك ..لسانى لكنى بانفصل بالروح يرتجف كيانى

> مستحیل أراضی بدخانك وامنحك جمرة النار مستحیل أعمل فرار من تاریخ أملکه قد ما یملکنی أنا بیتی جواه .. و كل ملامحی زتونی اصفر ، ورطب البلح أنا بانجرح مع المسافات باخلص روحی:من السفر زی شعرة من رغیف مستوی

> > أياك تفوت على صدرى ياقطر سبع مرات .. بالآهات

بارفع - أنا راسى للشمس .. آتون بافرد فى ورقى وادور على بوابة للخروج طريق يوصل لساحتى الضى بلا عوج أنا باستعيد المكان وباركب حصان يغالب الزمن ينزلنى قدام بيتى اللى هو الوطن

44/4/10

- Y· -

## أبواب

وحشتنى مصر بابوابها الخشب وحشتنى قلة على الشباك وزعزوعة قصب نيلها الدهب أشوفه يمسح متاعبى داير أنادى عليها يرجع لى الصدى فيه أفتدة بتملاها مية الأباريق وفيه طريق بيوصل لحد باب بيتنا فيه ضحكنا وسكاتنا وضريح لأموتنا

الفاتحة ع الشفة بتتقرا بخشوع جوه الضلوع تتقلب الذكرى بكرة .. بيضحك زى شق القمر فارس ، وحدوة حصانه برق ورعود مطلوق عيارى في الخلا

شكل الوجود محيرنى والكلمة اللى فى الليل لسه تسهرنى بردان على شط الخليج بردان دخان بيطلع من صدرى ... ده النهجان شرر الحريق لم يبان ليه يا مدينة ياساحلية تعلمينى .. سرك .. الكتمان جسد الملك ملفوف فى توب كتان إيدى على خدى الوطن دافى

.. طوبه ، واسمنته هویته ، وأمانته ایاك یاهوا المسافرین تریحنی والغربة قطرها یعدی علی جسمی مایفصل روحی عن الجسد مایدبحنی باغنی للبعد ، والاحبة باغنی م التعب وحشتنی مصر بأبوابها الحشب .

57/17/11

ž.

....

قلبی اتخطف بالذکریات والفل شجر یطل علی الشوارع فی المسا والشمس غنوة بصل یاهلتری دی بصة أمومة ولالمسة حنان ، بتهل امشی فی وسط الشوارع جوایا تزعق حیرتی ، وسکوتی توتی فی کفی وأوراق م العنب بری باستنی خلی باستنی خلی اوراقی ، وهویتی انا نسیت صحکی فاکر بکایا الصموت والضحك موت

على نكاتنا القديمة قلبى اتخطف للمدن اللى حبيت فيها حبيت يوتها ، وسككها ... وكل أغانيها عيون تبص خطاوى أنا مشيتها وخطاوى تلحق بصة امبارح ياطير جارح ياللى اسمك "سفر" يالك اسمك "سفر" ورح بعيد عنى وابعت أبوك : المطر !

47/17/14

- 40 -

(1)

أجمل شئ في الوجود إنك تعود للعتبة دى باللبات تعد ايديك وتقطف بلحك الامهات والنبق السكرى !

**(Y)** 

فكرنى طير النوارس ان العين عليها حارس وفيها غيط برسيم أخضر ، والنخل فارس!

- 77 -

"ليه يابنفسج بتبهج وانت زهر حزين ؟ ،، أنا بانتظر من سنين ألقى الجواب موال والشمس نابتة بتطلع من تحت باط الحنين !

47/17/15

نسايم قاهرية
تمر بحنين على صبح دافى
الريح معدية
والبالطو صوف على اكتافى
باعبر النهر وابص لعكارته
الطيور لونها رمادى
هنا شئ مهوش عادى
شئ يهز الحزن جوايا
والحنين
ابقى نفسى أبكى
أنا فى أشد الاحتياج
أنا فى أشد الاحتياج
أشوف ضفيرة طفلة



- 11 -

أنا في أشد الاحتياج اصرخ فيرجع لى الصدى يمكن امشى لحد الحسين كعابى وابص للنرجيلة ألقى المية عنابي مشاعر قديمة بتاخدني باب موارب ، ومرایات عتیقة شاعر بيقفز من كتاب يفتش عن حقيقة من بيرم ، لجاهين ،لكشيك الكلمة هي اللي تاخدك تمشيك يابن المدينة الصغيرة الساحلية مين قال لك تخرج من دارك ينقل مقدارك وقلبك ماعاد ينبض بالحكاوي أنا بافتش عن صحاب .. ونيل .. عن قهاوى مفيش غير صمت يسف الرمل

أصفر بلا نهاية أنا باكر خيط البداية ألاقي إيد تتمد بزهرة "لوتس " تخطف الابصار مين يرجع لي الامطار اللي نشفت في الخريطة ويعيد لي ابتسامتي البسيطة كانت تدويني في لمعان المعاني لكنها ترجعني مين واقف هناك قاصد يودعني النورس حط على طرف الفلوكة ولسة مغروسة في نن عيني الشوكة وجع بيبص من جدار ناس عاشوا ف بساطة وطيبة أمتى تطيبي يا هوا طيبة

> مطر بینزل ع الکتاف ماییلنی شجر فروعه ماتظانی

أسهم تضعيني ، ماتدلني أشعر بإنى غنى وارث معابد بأبواب فضة .. ... مالها حصر وارث حزام فرعوني .. لف الخصر ومخبى تحته تراتيلي شريط كتان تيلى نایم فی حلمی وهو بيلفني والشمس بتضمني تبعت أيادى الدفا حنطة بتملا الاواني أنا كنت ناوى أنقر جدار بصوابعي أكتب حكايتي ، لكنها مكررة باستنى نسمة تنعش فؤادى يا قاهرة جواز مرور لكرسي في العتبة سرداق مليان كهان وحاشية وكتبة بیطاردوا ضلی ، وأنا باطارد طیف طائر خرافی الجو دلوقتی أزرق وصافی

ياه ..ياقلبى براح ، بارتاح ... على نسايم قاهرية ... لساك ياصدر الوطن ... رغم الفراق دافى !

44/14/41

- 27 -

; );

قمر فی درج من ادراجی
من درانی إنه بیبکی
فتحت فتحة .. وباب عاجی
حاول یحکی
کل الحکایة من الاول
النخل نخل الضو وراح
کان فیه أفراح
کند خدها .. صبح سافر
شافه عساکر
اتخبی فی الضلمة .. وعدی
وطیری هاجر من مدة
مش عارف فین
لعکا راح أو علی جدة
ماقلش ، غیر ریشه اتکسر

قلبي اتحسر على هفيف أجنتحه زمان على صدرى قلة .. وأنا العطشان حبيبتى ، بتغنى للريح شايفاني جريح تحط على راسى المنديل فاكرانى قتيل لكن جفونى بتبريش وربيعنا جوانا ماحلش يابحراملا الحتة دى بغنا بلادي بموالين ، وسعف أخضر لإن روحي بتتبختر فى كل حارة أنامٍشيتها ولكل عتبة خطيتها مین فین بیتها ؟ ياقلبي اعشق واتملا كتيرة حواليك الغلة وانت المحروم

كنت بتحلم بالتفاح وهدوك بالدوم

سلام على جميع الناحية وكل طفلة تكون صاحية وأكلة <sub>رز</sub> مع ملايكة سلام على باب وفتحته وجامع الشمس ف ساحته .. مش برضایا .. إني افوتكم .. أو تفوتوني أنا باداری ف جوفتی ، وفی لمونی الغدر قهرى وحصاني والحسرة ماسكة في كياني إياكوا مرة تلوموني أو تبكوني وسيبوا شبر ونص يادوب جوه في قلوب عارف بإنى معذبكم بكلام أخرص لكنى بازحف وباحاول بابحث عن الحرف الكامل ومهوش منقوص

یا بوص علی شط المیة الرك دایما ع النیة و نتی ضی لقمری قمری قمری الباكی واقف پیص لشباكی یسقیه الصبر

العمر من إيدى بيهرب ظمآن هاشرب من مية النيل الصافى باتخفى فى الورق الدامس وانا بالامس كفوفها ممدودة وناعمة تحلف بعنيها ع النعمة أنا ماليها بغنويا

وإحس في الخطوة الجاية إنى قريب لسمايا وعنيها حدوتة ومراية على ضفاير الليل بتمر ويفوت العمر !

47/ 17 /77


### ملامح

### الی یحیی حقی

ييتى ملامحه مش باذكرها والشباييك مش قايد نورها ابنى مهوش واقف على بابه والفوانيس من سنتين ... غابوا عمى وحط إيديه على كتفى فاتنى ومر ف غيط من توم عمى ياحقى ورايح فين ؟ مين راح ياحد بعدك حقى فيه كلمات مش عارف اقولها فيه اشياء مش قادر انولها حتى لسانى اتحجر خالص

حاسس ان العتمة ف روحي ليل حالك .. .. وبيملا جروحي وانت بتملا كوب الشاى بالأسعلة : كان ليه ؟ وازاى ؟ في العتمة وليه بس تفوتني وأنا متونس بيك ، من بدرى ساكن لسه جوه النني من يوم إيدى ما صافحت إيدك وأنا ماشي ، قدامي الدهشة واحلوت أيامي الوحشة زهزه زهری ، ملانی الفل وانت بعيد ، لكن بتطل من حواديتك بتكلمني مهما ابعد ، بتقرب منی عمنا يحيى ، آلام ما في حصر إنت فايتها ، ماهياش مصر

> مين يفهمها يا عمنا غيرك لجل خاطرها .. شيع طيفك



- 11 -

I

بالقنديل هنطيع العنلمة تبقى ما شائله .. وترجع سالمه أرجوك ابعت لنا جواباتك ضحكة بكرة ف وشه صبوحة أحلامنا في الصدر طموحة بس تعالى علينا ، وهل تملا قلوبنا بفرحة وفل عدى حارتنا بشوق وبساطة تدى لهيشم باكو شكولاتة

44/14/12

## حالات الرجوع

راجعة الطيور للمرافئ
حاضنة الشراع والنسيم
راجعة في ريشها الهوى
في القلب شوقها القديم
وأنا اللي واقف اراقب
.. ميل النخيل ع الوجوه
كل ما اقرب أتوه
افتح كتاب النديم
هنا شباك حبيبي
هنا عتبة هوايا
هنا الضحكة قلت
هنا الضحكة قلت
أما المكان اللي فاضي

أيه .. ذكريات الطفولة . وفوق كتافى الحمولة . ووجه إبنى بيبسم وانا ياقلبى بارسم .. حدود لوطنى ف خلايا امبارح الفجر .. زارنى .. أبويا .. كان يشبه ابنى خدنى فى حصنه ، وباسنى الارتجاف قام لمسنى نفس العيون بنى خالص أنا كنت خايف .. وحاسس .. وحاسس

أنا اللى داست على كل الحيول ، والحرافة بارجع لنفس الأماكن الليل رمادى وداكن على ردائى الصموت

باقطف ثمار م التوت وخایف انی اموت خوف الحمام م الشبك بارجع لأصل الحكاية والبس قميص م العبك إزيك انت يابويا فينك .. وفين أراضيك كان نفسى يوم أرضيك لكن انت خدت في وشك وصعدت للى نداك أنا مسافر بعيد وانت مسافر هناك وكأن فيه ف دمنا غيط م الحنين .. أشواك تبعدنا عن منازلنا احنا ومازلنا بندق ع الأبواب الكرسي في المندرة وطاسة الجعزة والضحكة بالقنطار

- 60 -

طعمية من حزة ياطيور وبتهزني أيه يبقى لون الأسى أيه تبقى ريحة الوطن إن فوته لحظة خصام

القلب فیه هزهٔ وانا جوه قلبی شلت .. حبیبتی بمعزّة

اخضر يالون الشجر أزرق يالون البحر أبيض يالون الحوارى مهما تكون عفشة أنا نفسى أمدد جسمى ..ع الفرشة وأقول .. وداع للضياع أيه اللي جاب الصحرا ..

97/3/4

# لمسة المواويل

خریف اللیل صدی لعمری وهمس النخل کلمنی المعدی باعدی فی السکك محتار الناوة الفجر بتقولی انا مخاصم آثر صلی وباتهجی سنین حبی آزور دمیاط بجواباتی وباتملی فی شبالکی احظ ایدیه فوق السور وامور کفی علی زرعی وامور کفی علی زرعی صبح دافی

أعودللنيل ، واصاحب كل ليلة نمر يضيع العمر في الغربة ما بين الآهة ، والترحال ما بين الصمت والكلمات أمد الإيد وباتناول بلح أمهات وعنب الشام

ياطير متخفى فى الأعوام جناح الصبر هفهف فوق وباستنى .. حياتى تروق أدوق الشهد بدل الصبر اعصب راسى بالمنديل واصر الضحكة فى الموال أروح للصحوا .. أزرع نبتة خضرة اللون أحرك فى كلامى سكون أعيد القول .. يطمنى عيون الفجر ، لما تبص ولسه الحب بيزورنى

کانه زهرة بتفتح فی شهر ینایر البردان میلادی ، وبرعم انا شفته یخضر فی شهور العام

وبارجع للورق واكتب
حبيبتى .. زهرة برية
حبيبتى - هى - ريقها النيل
عيونها خضرة زى نخيل
إيديها لمسة المواويل
وفى الصدر اشعر ببستانى
اميل راسى
ابوس تانى
انتحجل ، تسكت الكلمة
تكون البصة ، قادرة تقول
أنا باحلم ، ونفسى أطول
بايدى المنظر الفتان
وباتقاسم مع ليلى ..
ابص آلاقى جاى بكرة

یکر ینایر اللی باحبه ، وباعوزه بیبهج عمری بزهوره فی خطوی ، حس بالدنیا فی حرفی ، دنیا بتراوغ اعود لزمان ویاخدنی یعیدنی للأمل والنور یاریتنی اعود لأیام انا فایتها بترجع زی موسم فوق شباییکها وتاخدنی لباب بیتها وسلم خشبی کان مکسور وسلم خشبی کان مکسور بیملی العمر بالفرحة بیملی العمر بالفرحة یمد لی فی الضلمة ...

42/1/11

\_ 0. \_

### ريحة العطرشان

#### هلة

لهلتك ريحة المسك ، والعطرشان لبصتك شموس تنور المكان أنا باخطى ، وامد إيديا .. اقطف الرمان تزهره فى قلبى ضحكاتى القديمة آخد ذكرياتى بالاحضان

لهلتك شوق الليالى الخملية لبصمتك نور يزغلل قلبى فتفرح عنيه أنا محتاج لمشاعرى : ترجمان يمكن اقدر اوصف شئ .. م اللى جوايا ویمکن ادور حوالیه واردد ظلال الحکایة لکن الأکید انی محتاج لوقت ، وصمت وسنین کتیر لاجل ابوح واغنی داغنی شنن تانی لطیر الدوح!

أحبة

أكيد العنين مخلوقة لجل النظر والدموع ده أمر مش دايم أكيد السما مخلوقة لجل الطير والسحاب بيمر ... جارر سحره ، اللى نايم أكيدالنهر فيه حلول للظمأ والسرير فيه للقلق حلول أكيد العشب ده ، المبلول كان عليه ندا ، شفاف ، جميل أكيد المركبة دى جواها

اتنين بيحبوا بعض والقلة دى شرب منها راجل سافر لبلاد بعيد سافر لبلاد بعيد ... فى ودان ام العيال أكيد هى راكنة إيدها ع الحدود وبتفكر... وبقكر... لقمر ... لساله كام يغطس فى بير العتمة ويطلع تانى ؟!

#### حصان

ركبت ورايا حبيبتى
وطرنا بالحصان
عدينا كل البلاد
وشربنا من جميع الانهار
طلع علينا النهار
وطرد الليل
نمنا على شط من تركواز

...

بصينا ع الموج كان القرار .. شفاف ، كإنه إزاز

رکبت ورایا ولما طرنا خافت قرصتنی فی کتفی من لطفی .. ویاها حطیت ایدی علی شعرها وکتمت ف صدری آهة لأنی .. د. کنت عارف بانه حلم وعارف اکتر..

عيون

مش هاقول وحشانی نفس العیون لأن خضارهم مالی جوایا بزتون ولمون مش هاقول انی مشتاق

لانی لسه حاسس بیهم

بینا دونی

بیحاصروا جنونی

یاخدونی ..

لنفس الزقاق

عیون خضرة زی زرع جمیل ، باهی

زاهی الملامح ، والتقاطیع

عیون تحب الربیع

تصاحب الدفا

حزنی اختفی

لا بصیت لجوایا الحزین

وقسمت کبایة الشای

إندهاش

المطر سر الاندهاش فى قلبى حنين اتحاش بالسفو ، أو بالارتعاش

- 00 -

حب وزی رذاذ علی وجه المدینة حب ، فيه من الطفولة الفرح المطر ، وسر اللحظة وخصوبة الأشياء.. ألف .. ياء بداية النبض ، واالانتهاء إيدين ملانة بالحنة وصوت فيه لكنة طيارة في آخر الأجواء نقطة بتبعد وتدوب يا علام الغيوب إمتى يخضر الورق ، بدل ما يصفر إمتى يجرى الحنين في النهر جاوب وهو بيغمز بعينه للسفر ، سره و انتوا فاهمينه صحيح شعرة مشدودة ، ودموع بعفار وتسمعوا أنينه لكن مازال ، جوابه للآن ماجاش المطر.. سر الاندهاش !

44/4/40

### مطر من فبراير

ريحة الشتا النهاردة وخدانى
مسكنانى .. فى مهب الريح
بافرد جناحى الجريح
واحلق فى الفضا الرمادى
ريحة هدوم ولادى
بسمتها ، فى السر أو فى العلن
شريط بيطويه الزمن
وبمر فى الساحة قصادى
وجوه تبص للأيام براحة
أيادى بتخفى ألحكاوى المباحة
مطر بينقر ع الإزاز
مطر .. أو رزاز
مش فاكرانى شفت زيه

يغسل حزنى القديم .. الجغيية يركبنى مهرة العيد يشربنى من قلة اخواتى المطر ده عزيز .. ونادر نفسى يعدى على الشباك يوماتى لأنه ع البيت يبطل فيه ريحة نعنشة وفل ولمة بتساع ابتهاج الكل غنوة فرح لساها ما تنسانى ريحة الشتا .. النهاردة وخدانى !

44/1/

.

## كباية شاى

ما عرفش ازای
ایدی بتمتد خجولة
علی کوب الشای
تتنهد صورة ، وتقول الآی .
الغربة تکر ، تفوت
وانا باقطف ثمرة توت
وباغنی
ف ایدی خاتم .. فصه یاقوت
انا تایه فی الحرر
ومقتول بالبود
ومش قادر ادوق القوت
حنجرتی ملانة کلام
محکوم بسکوت

- 09 -

!

أحمر لونه ، لما شافنی حیانی لماسمع صوتی ، اتهز ، بکانی صامت ، جوایا برکانی علی وجهی خشوع صاحبی اللی رافع إیده .. بابریق الموت بیعب المیة ، وعنیه بتدمع رایح لبعید .. مش جای

41/4/1

#### سلك شائك

كرم النخيل أهدانى رطبه صيص ..وحيانى أن بارتحل في أمنيات أول امبارح الغيط بيخضر زى قلبى .. اللي مجروح وجارح بالأمس كان مبسوط ، وطايح .. بالأغنيات اليوم طواه الوجوم وصاحبى مش قادر وانه يسمعنى شطره من شعره الابيض زحف ع القلب .. على شعره . . على شعره من فين بيبدأرصف الكلام بالمعانى وتنهزم مشاعره

نخيل انحنى دمعنه للنجيل قالت حتى الغروب ، حروفه بانت واتنين من العشاق بكوافي لحظة فراق والمراكب بتتخبط في عتمة من فضة الحزن اتوزع .. وقضى أنا مش مهوب لناحية هناك أنا باكتفى بركنة دقنى ع الشباك مملوك قديم .. طالع من كتب التاريخ مهزوم مملوك من الخزف .. اللي ييشرخه جبل الهموم وعفار جيش الترك .. بهيلمان كداب آد*ی صوابعی* .. ولسه ماسكة كتاب بتفر صفحاته بتفتش عن خلاص وحنين



- 77 -

i

امبارح ابنی زارنی فی منامی
بنص کم ، وشورت أزرق ، وضحکة
زارنی
... وسجنی محدود لحارة فی عکا
لزقاق قدیم فی معری
وحید فی حودة سجن متداری
مد الإیدین ، واتحسس الأشواك
عصفور بیهرب من بصة الحراس
کل ما اقرب للصورة تخذلنی
بنص کم ، وضحکة أصفی م النسیم
یا هلتری ..
یا هلتری ..
المالانه بالنجوم .. الهموم
الواقفة علی سلك شایك

کُری یا آیام واحدفینی ع الساحل سفری سیاف طیح الرقبة والأمر مش ساهل!

46/4/14

## وردة أمشير

راح أشوفك امتى
وتقابلينى ازاى ؟
ده انت الوردة الباقية فى جنينة عمرى
.. وموالى وكبابة الشاى
مااعرفش الريح ما عادش تطاوع جناحاتى
المرجة إنى باخاف احلم ، وأطير
الجو عواصف
والفضا مليان زعاييب أمشير
وبرغم الريح بيقلب جوايا المحاذير
وبرغم إنى أتهديت من كتر المشاوير
ماانا بامشى فى الليل الضلمة
وساعات باعطى للخلا ، صوتى
.. واشبك هيكله ف دراعى

- 40

لكنى باغمض عينى واقرب منك أكتر من الاول وباخاف الليل اللى راعبنى يطول وباقول للبرد اللى فكرنى بالدف أنا فاكر نكتة أول ع النول

فاكرة لما سجادة الصالة الطرابيشي كان ملمسها أول مارجعت يرمى عطر ف نغاشيشي فيقيت احضنها وأقول الله في اللحظة دى .. انفجر جوايا الآه اللي أنا عشت سنين ماباقولهاش الآه اللي كانت جوه في صدرى بتنحاش علشان ماأظل حكيم ووقور ولإني عشت أحلم .. ويني يجيني الدور .. إني يجيني الدور فانا لما لمسنى السفر .. اتهجيت كلمات عمر ماكنت باعرفها



- 77 -

وملامح محايف اتذكر تانى أوصافها جوايا مفيش منطق للحلم ولاباب للريح أنا عشت صريح اتخانق مع طوب الارض ، صحيح لكن بارجع اصفى زى الشط في مطروح ومنين ماباروح تصبح كل الطرقات أصحابي وبالف الدنيا كعابي جايز ، وانا واكل نص رغيف لكن في فؤادى حب نضيف وخريف مغسول بالشعر الشايب وقصايد واحد صاحبي غايب ساب ع الشماعة بيجامته وع "الكمودينو "عنوانه واتجمد على طرف لسانه كلمة بيقولها بشويش أنا راجع يكوه وزی عوایدی اکرکر ضحك

يابنت الاية ليه حزنانة ماهو أكل العيش ومفيش غير ثانية الا حنفية ميه ، دموعها سالت لأ ماقالتشي كانت خايفة تبوح بالقلب اللي اتلون بالفرقة وبات مجروح واخرج كعوايدى اشوف العبايات أصوات العربيات فاقول :"أنا واحد مات ! " ازای انا بتکلم عن نفسی واخبط ایدی فی جدار جنبی أنا جني أم إنسى وباخاف ليقولوا مجنون ألقاه يوطى حسى

وأنا دلوقعي بفكر من جد إنى أشوفك الساعة تمانية ليلة الحد راح أشوفك امتى وتقابلینی ازای ؟ اتخيل نفسي فارس .. في الجيش اللي بيغزو المريخ - واشمعني المريخ باللات أوقات يشطح بي خيالي ومش بلبحث عن أسباب وباكون في الزمن الجاي أَضِعْرِ فَي السن .. یعتی ثباب مش ثیخ فاتنا هاخدك وتعيش في مكان معزول راح نزهق بعد شرية ، موافق لكن أتا تاوى أقول شعر ... .. مايقهمه أبدا كالن غيرك وهاهش باينت أمثيرك

واحط دماغي في ربيع أخضر .. من أجنحة العصافير راح أغنى ، وأرقص ، واتخفى .. واظهر من تاني ، امشي ع الارض ، واطير ما انا مجنون وجنوني واخدني لهواكي یا أرق نسیم حط علی شباکی يازهور الجنة ونقش الحنة وتقولي ، خايفة انساكي أنساكي ، طب يبقى ازاى .. .. الواحد ينسى دقة قلبه ينسى بيته ووطنه ینسی ازای طاقة نوره والطفل الباكي في أوائل عام ستة وخمسين بتفوتي صحيح ياسنين ونقتح عيننا ، أتارينا كبرنا كل الأحلام لسه مش واخدة تأشيرة بتفوت ايام العمر بتمرغ في الحيرة ويجف الحلق من العطش النما الفرحة مهما بتبقى قليلة بتوصلنى لسؤال عمرى عمرى الخفى في الشعر والحلم وشط البحر وحبى لبكرة ، ولكباية الشاى راح اشوفك امتى وتقابلنى ازاى ؟

44 /14/14

# حنين للبلد

رمضان ملانی بالحنین للبلد
لون الشفق بیلون الذکریات للابد
احنا اتخلقنا فی کبد
لکن مواجیح ذکرباتی مفوحة
وشموس کتیره مصبحه
مرت علی .. مرغتنی فی الضیا
رمضان ملانی
.. وقله ع الشباك بیملاها انتظار
ساعة الفطار
بیسابق اولادنا ألعفار
والمدفع الی برج بیتنا ..
والمدفع الی برج بیتنا ..
اییجی خافت
امی خافت

طِلت من الشيش والطريق لون برتقالي ف أوله والجدة حطت إيديها .. قالت انهم اتسلسلوا كل الشياطين والعفاريت غيرك انت ياولد لون الشفق لون الشفايف خدني لبحيرة من المية يلونها الزراق واقف على شط الفراق أبريقي بوزة ضاق .. على الاخر وميه ماتنسكب عمي جاهين فكرني شعره بالصور وأنا قلبى منجم يتنهب لما يفوت الشهر واخد شهر والشيب لون الشعر ببياض الحزن فاض وانسكب

عمى جاهين قاعد قصادی ، ونظرته تایهة بهزيمة جيل عظيم أشبه ما بيكون باللي قطنه اتحرق في الغيط وراجع بيته من أربع ساعات أيام زمان .. سيجارة ورمادها انتثر ضحك زمان م القلب ولى واتدثر البيت جداره انشق ، نمنا في خطر والنوم غدرنا وذهب سامعه يقول "القمح مش زى الدهب القمح زى الفلاحين " وأنا جعان ۽ .. في بلاد تاخلني لصمتها وييوت تاخلني في شمسها والليل بلا أقمار ولاكلاب زى مايكون ساحة فاضية من المعانى

والمشاعر حتى م الحوف اللي يحسسك انك فلان وأنا مرة قلت لنهرنا النيل جيان كانت خطيعة ، وكلمة مش هي رميتها - في وشه - في ساعة غضب دلوقتی نفسی آخدہ فی صدری وأقوله زى ماقال جاهين ويمكن اتقالت على لسانك يا بيرم وانت مطرود في الشوارع .. اللي مقتولة ببردها انا فی مرة سمعتها لما نطقها حداد في زيارته لمعقل النيل كريم وفيضه يغمرنا بطميه ويغسل الذنب ، يطهره المدفح اترج ، ياصحبه ، قوموا يالله افطروا بص لوشي ، وكان بيسأل في سكون فيه ألف ألف مبرر إنك تنتحر إنك تموت



**- ۷۷** -

وشعرك الحى يموت بالسكتة

.. على رمل السكوت

همكن تفوت من خرم إبرة

للثراء

ممكن تكون وريث فى صحراء

.. طولها أكثر من سنين عمر إخناتون

لكن راهننى

عمر ماتشم روايح الفل
وزهزهة اللمون

رمضان ملانی باخین
کل الولاد علی الطبلیة مستنین
قدومی ، ودخلتی
بشویش ، وباتسحب .. وبارفع جزمتی
وأدور الاکرة وابص ، آلافی هیه
وطنی التقیة
فی اللمنظة دی بدون کلام کبیر أو فاسفة
خظة تنور عمری ، أضواء كاشفة
تسح سنین الفنلمة
وتبدد بلادة الانتظار

عمار يامصر ياقلة العطشان عمار عمار يامصر ياضحكتي وقت الفرح ياحضن وقت مااتجرح ياكف بيطبطب على الكتف أقوم غنیت کتیر وأنا فی بیتك وقبل ما أخرج للبرك غنيت وفي الصهد حسيت ان طينك جوه قلبي بيتفرك بيطهر العمر اللي فاتني بدون شعور واقف في وسط طابور .. وباملى استمارة بالاغتراب خانة قلق خانة عذاب عنوان كفيلي .. ف آخر السطر بيرفع سوطه على ضهر الغنا لكن ضهرى مايتحنى

- V4 -

#### ومعنان كريم

وف كل ليلة بيستدير قمره الجميل يردنى لوجه الحبيبة يردنى ويمدنى بأسباب وجيهة للحياة مايخلينيش من تانى ، أصرخ ، أقول يا آه لكنه بيقول فيه نهاية للانتظار

عمار يابوابة جدتى اللى مشغولة بحديد نهار جديد، بيطل عبد يغسل حياتنا بفل بلدى .. ورد جوري وكف ابنى اللى بيكبر أذكى من كل الرفاق وبلاش حسد رمضان ملانى بالحنين للبلد !

44/ 1/11

بتحضری کل یوم
بسبت الفل
بتحضری بعبیرك ، علی یهل
وایدیك تاخدنی لبلادی البعیدة
حتی البیوت اللی ساكته
وریحة النعناع تلوح فی الجو
تغسل شوارع قلبی
بتحضری ، وتكلمینی بهدوء
أتعلی وجه السفن ، أروق
أصعد لآفاق الشروق
واقعد علی حصیرة
فی حارة یداریها السمر

جوالیا فکری ، وعبد الباقی ، وسامی ، وعمر نفس سن زمان سبع سنين نفس الشقاوة معكرها الحنين البنت دى خضرة العيون حبيتها رغم صمتها الصموت شايف شفايفها لون التوت نظرتها تسفرني لنخل السنانية أضحك ، وأمدلها ايديه تدوب في خيالي الجموح بتحضر ، جاية معاها لون البحر أزرق زراق فاتح الزرع أخضر ، وواضح الدم جوه الوريد باين أنا باحب الناس في هذى الاماكن وباحب سبت الفل ، هالل بنور ایش حال لو اتبدل غياب حبيبتي بحضور ؟!

4117171

خرجت من أرضى باسمى وسحنتى بفصيلة الدم وهزايمى بانكسار قلبى وأنا باطير حمام بالفرح لما تعود بعد انتهاء الحصام تحت شعر الرأس خرجت بدون أقلام أو ورق بلدون أقلام أو ورق ولما عدى الحول وراه الحول

اتخرس لساني واتحجرت مواويلي واتباعد عن الضفاف نيلي يشوفني ما يعرفنيش أطل عليه .. مايضحكليش كإنى متهم بإحضار الخريف رغم اني رحت ، وفضلت فكرة رغم انی دلوقت .. زی زمان قلبی نضیف وشكلي مهندم لكنه الفرح بيتراجع .. كل ماتقدم يتملا حلقى بالجفاف إذا ماأرادت أروى الظمأ فیه شی خطأ في جغرافية الارض ، أوفي أفعالي مع انها نفس خصالی اصحى م البكور ، أبوس النور واشمر اكمامي وابدأ اليوم بابتسامة أمل



- AP -

وارجع مع الطير في العش .. مهدود م العمل احط رجلیا ، فی میه بملح اشد حجر الجوزة واخلع هدمتي واستريح في حضن عيالي

احلا نومة في الدنيا .. هي نومة زمان رغم اللقمة الصعبة ، وضيق المكان دلوقتی آنام نص نومة عيني مفتحة زی سمکة فی بحر واعيش يومى ناشف م الشقا والحر أوم الشقا والقهر أوم الشقا واللاشئ هي نفس خصالي لاقلت ولازادت

أعود أحس انى غريب أنا ابن هذا الحى اللى حبيت فيه ، مانيش حسه والضى اللى ييغسل نهاره مانيش قادر افتكر شمسه

كل اللى جوايا
ذكريات اصفرت مع مرور الشهور
وجريان السين
كل اللى بامد ايدى اتحسسه
.. بدى الحنين
لكن الحمام ماعاد له هديل
ولا دفا الصنا الصغير
في قيلولة الضهرز جنبي
ياترى ياأيام
مين اللى مفروض يدفع التمن
محمد على .. ولا نابليون ؟
محمد على .. ولا نابليون ؟
صورة اليوم بالف لون

لكنها وحيدة ، باهتة المعالم وقت الحروج ومازال الميزان معووج والمرج بيرفض يروح شطه والنيل في حالة خصام !

46/14/16

أناشيد للوطن


### أمر اشتباك

حاسس بروحی مجهدة محتاج لألف معجزة علشان ما اخطی كل هزایمی وتعود لشرایینی دمای الآی .. والأفق قمره بعید بعید نفسی اتولد نفسی اتولد واحب تانی عنیك .. واقطف زهرتین م الیاسمین م الیاسمین .. وفلنكانة صدری المستباح .. وفلنكانة صدری المستباح

- 4. -

إحبال تقيد قدرتي وارتمى سمانة .. على شبك السواحل ارتمى أنا باتهم حنجرتك العاجزة بصمت الحكمة وباضم نايات فضلوا يتباكوا على الاموات بحسرة وبأنين أنا إبن مين ؟ وبيتى شرقى ولاغربى والايدين .. ليه مش بتقدر تكسر القضبان وتطلق عصفورين في الحلم ۽ أوعلى سطح بيت عمى اللي سافر للميدان کان عاد قتیل جوہ کفن أنا بانحنى بجذعي وبانشج

والمطر بينقط الصبح نداه قلبى الرهيف امتى يروق دمى ويغرس في العروق .. .. شئ م الشجن أنا باخاصمك يازمن وباعدى لسه في الشوارع اللى مقهورة ومكفية على حزن السكات مااقدرش تانی أبات وصفرة الموت بتطاردني .. في سطور الكتاب وفي المراية أم أويما مدهبة آدی لسانی لسه مش قادر يقول الأغنيات الحزن خام ع القهوة قدامي حاخام باصص على البيت الكبير .. والمشريية اللى مرصوص خلفها ..قلل قناوى .. م الصعيد إيدى بتاكلني منملة



- 44 -

ورغيفى دلوقت حلا لغريب سواده مش فى توبه بس لأ ده ف قلب ، خالى م الضمير ومهوش كتير النيل بحاله يسرقه ... وصفين شجر

أنا مش محارب أوشجاع لكنى بافهم حبتين ..لغة الوجوه علمان كده اياك تتوه السكة من غير مصباح وحيد .. ولا رفاقة طبيين التحرس اللى بتقدر في الزحام اللى بتقدر في الزحام اللك تدوس على الحرس تهمز برجليك الفرس تعدى لبكرة اللى جاى

النای ماعدش یهزنی وخریطة ناقصة تغزنی بالحسرة وكآبة تكفی دنیا معصوبة العنین

نفسی أحب بنت سفرة ودمها فلفل ، وأغنی لشعرها واسمع لوحدی شعرها لسه مكسّر ، إنما ملیان حنین نفسی ، لكنی من سنین فقف لوحدی باشرب الصحرا ، وأناجی فی الحلا والكرسی .. .. لسه قطیفة وبریش النعام وف كل عام ؛ .. يجددوا المماليك بساط المأدبة ويجهزوا خيول عامية .. وعنيها مخلوعة ومحطوط فيها حبات الياقوت أنا مش بامرت

عدى الحاشام بالقبعة عمر ماهيزيحه الدعا ولا التوارى في التواريخ والمعاجم و البكا ع الاضرحة

نام الرجال ، والليل صحى التحت كتابك ياأمل دنقل وجرى لنا الحيول ماعدهم فرصة للذهول أو البلاغة الميتة

ما عدش وقت ان العساكر تنظر أكتر أوامر الاشتباك شباك حبيبك ..اتخلع باب بيتك أصبح مستباح ياعم بيرم دلني ازاى كلامي يكون رصاص وبلاش أهاجر أروح باريس أنا حاسس ان في صدرى

.. ده كنز نفيس لكنى حتى اللحظة دى خجلان أبوح " أبوح ياأبوح كلب العرب مدبوح "

أنا في وقتى بانسجن
مش قادر إنى أهزهم
آدى الصحاب
ماحد فاضى ييص لى
ازاى ياشاعر أقولهم
ان المدينة في خطر
محاصرها لسه كتير عدا
وأنا اللي روحي مجهدة
بالصمت أكترم الكلإم
وف كل يوم
خريطتنا تنقص سنتيمتر ولاقلق
لكن روحي بتنسرق
وأقعد مع الشعرا، ونطلب كبايات

ونعد مين ممكن يخون ؟
ومين يصون
ومين يبيع
أشياء عزيزة
تروح في لحظة ، وبُرخص العراب
دول علمونا الشعر عمره جليل مهاب
فعلن
وفعلن
فعلن
فاعلن
ماذا تراك في الحالة ديّ فاعلٌ ؟
الصمت توب بيلمني
والحزن لونه رمادي

قلبى اللى حب زمان فى كمده .. حاصره سور م العفن وروحى تخطفها .. .. مناقير الاغربة دى أسئلة ما لياني ، مافى أجوبة

فعلن وفعلن فاعلن أيه ياوطن ؟ ؟ اتكلم أولادك قايضوا .. .. هيدفعوا تاني التمن

اتكلم .. انطق قبل ما عدوهم .. قبل ما عدوهم .. .. يعدى بغداد ، ويحط رجله في عدن ويبلع العنب اللي في الشام ويعبى تمر نجد، وبن اليمن انهض وانطق ياوطن انهض وانطق ياوطن

47/7/74

# ريحة الحنة

... ورجعت
بالقانی لسه مسافر
لسه عوامید الکهربا
بتجری فی الشبابیك
.. وصوت الحوافر .. والقطر
.. مالوش أی محطة
فی عز برد طوبة
مانیش باتغطی
ده لأن قلبی قاید نار
من انتظار
قدیم کانه نقش علی حجر صوان
قدیم کانه نقش علی حجر صوان
مقدس ، وفرعونی ، ملیان بروح إنسان
فانا بابص .. فی مرایتی



- 1 - 1 -

نفس المشاعر البكر والتمشية آخر الليل نفس البكا النبيل وطلة المنديل من الشباك الموارب البحر موجه خاصمني خلاص وانزاح عن القارب في كل نسمة باتهجي روح امبارح لكن مالى النهاردة ف عنیکی أنا سارح کانی بافك رمز تاریخی .. واتعلمه كتابى مفتوح على آخر الصفحات وكل نخل رأيته باعود ... أنا وارسمه الأرض بتهزني بأوجعها من امتى - انا - باحب السكوت يا شجر السنط خلینی أسند راسی علی جذعك خلینی اشتم (طوبه) واموت

معقول لسه البنات .. .. واقفه على سطح البيوت تحلم زی زمان معقول القمر لسه ماهزمش ضيه ..كهربه العمدان واقفه تنوح بالليل في خيمه من أشباح تهش بإيدها جميع الافراح وحلمت بيك زهرة برية باخدك في كتبي مطوية ، وندية اخدك وانا رايح الورشة لا ولاد عمامی .. اللي بابهم هناك مفتوح من بين صوابعي تتسرب المية تهرب الأفعال وتبوز الاشعار شارعنا يا مهجور إبعد عن خطايا وروح شئ كاتم الروح

- 1.4 -

.. الصمت ولا ناسه شئ مش عارف أساسه يمكن مخليني بانقسم ضدين وانا باعدد ع اللي مات واللي لسه - عايش - حزين جوايا أشياء بتتغير وربيع ييخضر ويزهر السكه بتنور ده حتى شبابيك البيوت بتستنى رذاذ المطر قلبي اللي كان عايش الخطر رجع یدق زی زمان وفصول شتاها جميل دافيه بمعانيها الشمس لسه بتحكى أغانيها سهاني قلمي ، ولحظات الكتابه جوايا كانت ضلمه ومساحه كآبه تحت جلدي رمل من صحوا دلوقتی تجری فی عروقی مهرة

سيبوها، مش عايز حد يوقفها والضلمه، ان جتنی ، أ نا عمری ما باخافها غيمه زهور ونيل بيجرى بأفراحه كل العساكر عدوا قصادى للميدان راحوا محتاج للحظه سكوت وكلام فصيح مايموت ونقر كتكوت وآذان صريح محتاجه عند أطفال وجنة بوسع الكون حلمت بیکی زهرة بلون أبيض نفسي أكون قادر أحبك وأخدك طيف جوايا وطن ، وضحكة ، وآية ندی ، واکتر من حبیبة ريحة الحبايب بتملاني غريبة !!

- 1.0 -

نوارس في الفضا محاوطاني من تاني .. بارمي الغياب واهوى الوطن بتفاصيله من تاني باخطى بخجل .. وآجي له أمسح بمنديله : عرق وعتمة وتراب أشهق وإيدى على باب الخشب وشباكه الازاز حيطان جيرها بيقع .. لكن ماليني ياصحبي قوم ومليني كل عناوين الصحاب اللي سافروا في بلاد بتضحك ، بتكسب ، بتصرف لكن حزينة زهرة في جنينة في قلب دامي فی کتاب خلينا نتقاسم الحلم والحزن والمعنى خلينا نتذكر المنديل اللي غاب ... وهلة الاحباب

43/7/1

.. وريحة الحنة !

### ضل الأرواح

يادهشة القمر اللي مخفى في الترحال القلب أبيض بلون البفتة والموال مجدول ومخفى. في خطاوينا اللي هي احتمال العمة أكبر م الدماغ والقطر قد الكون ويمكن يفيض الميه ضاقت على الابريق والضي أكتر من شعاع الشمس والضي لكنه لساه زيق عز السؤال عز السؤال أكبر ما فينا مات بنفس الداء أكبر ما فينا مات بنفس الداء مات، واحنا خبينا دموعنا في القصايد

ولمة الاصحاب لكنه لما غاب اتفضت فى قلوبنا اللمة لما انفردت بحبيبتى ماكانتش نفس الضمة اللى فيها يرتعش بدنك وتشهق روحك تدخل الحياة من شبابيكها

كان النهار مقسوم نصين وربنا مباركها لساها بتنهنة على ماكينة الحياطة تلضم الابرة بصتها مش هى العسكرى اللى انا عشت اخافه راجع ورقابته محنية لل .. ده مارجعش خالص اللى رجع ضله الشاحب على صفحة الكراس صرخت ، مارد في الخلا انسان

ولا جاوب صرخت من كمدى عرفت ان السكات بيكون أقسى م الصرخة

مفيش جنازة تعدى الا باسأل : مين صاحبها ؟
مفيش صوت بيصرخ الا وفيه شئ من أنينى
يادهشة اليوم البكر .. ردينى
اللي يدور في الحواري
وما يسكنش القصور
المنت بالآلم اللي حاش الموت
والروح اللي خاصمت الجسد
أبويا آمن بالحسد
لكنه مات ولسه قميصه وبنطلونه في الدولاب
للسه منديل الشباب
طالل من الجيب
ماكانش فاكر انى أقدر اعرفه
واصعد للسما بالحيال

فيه غشاوة عن العين بتنشال وصاحبي : ابتسامه أكبر من أحلامه مهرة بتجرى قدامه البيت أبو ضرفة خشب والازاز ألوان لیه خشت جوایا رمادی واقف في الطابور أغنى "بلادى .. بلادى .." والدمعة تغسل مشاعري أسأل روحي عن العصافير الشريدة غبش الفجر ، والطيور العنيدة ألوّن اليوم بالشروق الساعة كام هتفوق ؟ إمتى ادخل الحارة ، اسمع الزغاريد ؟ کان صبح عید والميكرفون واصل للبيوت ولقيتني وحدى بانشج كأنى على حافة الموت الصموت "مصر التي في خاطري .. وفي دمي " أحبها ، أيوه لكن امتى تعرفني وتحبني تقف معايا في سلمي الضلمه .. .. تونسنى وتضمنى تفك قيدى .. لما القهر يحبسني ويهدنى!

حسنى صاحبى انى مذنب
لا طوى القصيدة
وقطع الورقة بيت بيت
لمعت الفكرة بانى اختقه
لكنى بكيت
"مصر التى "مازالت اقولها فى الطابور
فى كل خطوة
تبهت الضحكة ، ويختفى الحضور
فيه ليل هادى تسكنه
وليل مهجور
فيه سكك للخضرة
وسكك تانية لخنقه النور!

- 111 -

وباخافك موت
ياموت
ده لانك مجنون ومغامر
وبتيجى على سهوة
فى طلقة
أو موجة بحر
أو عجلة عربية محدوفة يمين .
وباخافك موت
ده لانك مش غامق ولافاتح
بتكسر احلام البنت الحلوة الفايرة
وبتخطف منها عريسها
وبتدفن أولادنا الشهدا – ف سينا – فى شتاها وصيفها
رغم انك ، طول عمرك

الا انك ، حافظ أسامينا ومصمم لازم تخمش أوجهنا ، وتجينا أبويا ، ومحمد افندى .. الابن الاكبر خالى الاسطى أحمد وكتير من غير عد و حصر بتخطف اللى عمر ماف يوم ركموها واللى أدمت رجليهم تخطيظة الحصر وكل ما ادخل فى الركن الصعب م العمر واتخندق فى الخمسين بالقاك زى ماخبوا عنك مش راضيين يقو لوها : لعين

تعرف إنك أذكى منا فى العادة لكنك أغبى ساعات ما اعرفشى ليه باضحك . . لما اشرب القهوة السادة واحط الايد ع الحد واهز الراس متيقن انك أعظم م الملكوت ياموت

ياصعب في دخولك وخروجك تعرفشي ليه "الخوص "مالي الجبايين بتفوت فتحط الغصة في القلب ويقى الفرد حزين!

بأخافك فعلا لكنى باخاف اكتر إنى افوت اصحابى تمنعهم عنى فى قعدة يوم الاثنين ع القهوة بتفوت على سهوة تقول للواحد قوم .. فيقوم وان عصلج وما قامش معاك بتشيله : هيلا يبلا وباخافاك موت وباخافاك موت واعرف ان العمة فاطمة بكيت لما نظرها راح

خطفته ف لحظة مار ضيت تأجيل الحكم ، أو انك تعطى له سماح مجنون ومغامر .. ورهيب أنا شايفك وباخافك ، وباراوغ اول ماعنيا تشوف صفين ناس ساكتين وكراسي خارصه .. وصوان باعرف انك كنت قلقان ماشی تفتش ، حیران وعملت الواجب ، فسكنت الآن وهديت زی ما تکون فنان انهى اخر لحن في الغنوة أو شاعر خلص آخر بيت في قصيدته ده انت ما سبتش حد إلا وخدته وكأنك ماسك كشف وبتفره وتشوف مین باقی مين يقدر يفلت منك ، ويقولك استنى مين حتى يهمس لك اتأنى ..

- 110 -

انا واحد م اللى خافوك وشافوك اكتر من مرة وشافوك اكتر من مرة ماشى فى حوارى بلدنا فارد صدرك لكن عارف فعلا نقطة ضعفك الشيء اللى مش قادر تاخده مرة واحدة وجمالها الآسو مين فيكوا الخاسر ؟ مين فيكوا الخاسر ؟ بسماها وغيومها ، بصفاها وطيورها بحروبها وسلامها ، بفسادها ونظامها ولا الشيء الثابت

ياموت !!

إلا آخر نقطة ؟

44/4/44

- 111 -

# سوق الحسبة

أنا واقف اتلفت ، والطوبة ضرباني أمشير لسه لففنى فى قفطانه ، وباعانى رجل العسكر بتدب طول الليل الميه تلج جوه المواسير وجبال من خوص تنقطع ، تبقى "كرينة " تبلعها فى الورشة كراسى السفرة والصوالين أنا خف الريشة باقدر احشر جسمى ، بين قضيبين وباعدى فرحان لسه الحزن ما اعرف طعمه ولا خبطة الايام وباحط دماغى على أى مخدة أنام ولانى اقصر واحد فى الفصل

- 117 -

الطباشير مالى هدومى وقلبى وضميرى
أبعد مشوار هو "الشرباصى"
أقرب حتة هى سرير خالتى فتحية
ضحكتها بوسع الكون ، وخلو البال
واللمة ساعة العصرية
حكاوى الدنيا الكدابة
جدتى فى الصورة ، بصتها مهابة
أول ما احط عنيا ف عنيها اسكت خالص
واحس الدنيا اضيق من خرم الابرة
احس كمان ان الدنيا ف سطح البيت ..

مش قادر استرجع شكل أول بنت

.. مسكت إيدها في الحارة
لكنى حاسس ملمس صوابعها
بترن في اوداني ضحكتها
كانت لسه بتلعب "أونة"
.. قدام بيتها
والراديو مفتوح أكتر م اللازم

والصوت يتسرسب واحنا حواليه بنزيد البلغنى أيها الملك السعيد .." وجميعنا سعيد فعلا بالفوانيس أم شبابيك ألوان بالضحك الرايق في ليالي رمضان والمدفع اللي بنشوف لمعة ناره قبل الصوت ، والدخان عمى ماسك رأسه وبيقعد ع البسطة قالوا حرب أونطة كن احنا نزلنا البدروم صفارة إنذار بتزوم والطلقات جاى صوتها م الشرق ماكناش نعرف فرق

کنا نسمع "طفی النور" ونشید فی الرادیو یوج حماس خایفین م الغارة ، وکاتمین الانفاس والناس بتخبی الزیت والسکر والشای

.. وصفايح الجاز في الحارة السد قالت لي : تعالى معايا كانت خايفة م العتمة في عنيها شفت حكاية أجمل من أى حكاية قريتها ل"ماركيز " بعدين كان يوم من ضمن ايام ستة وخمسين شفت ورا فستانها الكستور قلبها بيرفرف .. ويجيني . كان الحلم في زمن الحرب مغطى الحارة ومعديني "سوق الحسبة "، اعلام الثورة ع الدكاكين وإزاز ازرق بيخبى نور الشمعة .. خلف البتارين مشاويرى معاها يوماتي بقى فيه معنى لسكاتها وسكاتي فاتت الايام الصعبة وماعدشي "طفي النور " أول مصابيح الشارع .. ماترد ليها الروح ما عادشی مسموح

بالونس الحلو ، والرعشة الرباني عاد "سوق الحسبة "تاني شارع كما غيره مفيش أيها فرق ! وأنا واقف اتلفت واستنى تنده لى امشى وياها .. يجيبنى تانى البرق !! من غير كلمة أو رمشة عين أو غنوة نكون قلناها مستنى من ستة وخمسين

44/ 4/44

- 111 -

## خطوة الاسطوات

إلى المناضل جمعة سلطان

(1)

ماتبكوش على الشاهد ولاتكتبوا إسمه على الرخام لكن انتظروا - زبى - مجيه بنفس الحطوة الجريئة اللي بتشق الزحام ده لإنه كان أقوانا في وقت الكدر ... أو الصفا والونام وف لحظة الضعف يوم ما النفير يضرب عمره بياخد أول الصف ولما يعوز الوطن دم المخلصين

- 177 -

يمد الكف الكف اللي عرف الشقامن بدرى وقام على ندا حى على العمل يقوله صوت من "البركة "أو .. .. من شارع "البدرى " دلوقتى أمشى أبص للورش أكتر من الاول حزنانة تبص لى العيون الصامتة في ألف دكانة ، بإدانه تسألني قبل ما اسألها عن السر اللي خلاه سافر قبل ميعاد السفر بدون محطة أو جرس يعيط الازميل ، ويصطف الحرس أحس بالشارع اللي مشي فيه قلقان آخر زقاق بيعاتبني ومش ييديني الامان امبارح .. الشجر اتوارى فى ضلنا المهزوم وأوله ..
الرشاش ضرب ضهر القوم وخط الاونة وخط الاونة اللى فى شارع عبد الرحمن مرسوم المعدش البنات بعد يلعبوا طب مين يشيل بعد مرواحه ... جبل الهموم هى كبايه الشاى تنقسم على اتنين لكن الأنين طول عمره له وحده .. ياخلق هوه فوحدوه .. وحدوه

(1)

السلك الشايك بيحوش العصافير م الطيران وسحابه فيها نار أكتر م الدخان وكافور خاصم الغيط .

- 176 -

\$

ده کابوس بییجی یوماتی فأقابلك واحكى لك بتحط الإيد على كتفي أحس كتير بالراحة . وتبص على خلق كتير عرقانة وناس أقل .. بتطرقع صوابعها في الصل مرتاحة والنيل لسه بيجرى بسماحة فتفك طلاسم المنظر وأنا حاسس بالعسكر هجانه لسه بتجلد كراييجها .. ضهور الناس اللى حناجرها عطشانة وَّالانتخابات ع الابواب تفرش في كلام له معنى جديد وأولاد لسه صغار السن عايشين العيد فاكين القيد وبيمشوا في بلادهم .. توسع شوارعها تكبر مباديها
وريحة المسك تفوح
جوه فدادينها
مصر جميعها ، مادة للموال إيدها
وبتفتح عينها
على مشهد أضيق م الممكن واوسع م المسموح
أقرص خدى
فين الحلم خدوه
مايرد على
غير السلك الشايك
اللى آسر خطاوينا
ويهددنى العسكر: أجروا هاتوه

**(T**)

مسموح للدراكب تطوى قلوعها مسموح للشوارع الخارصة تعلن خضوعها مسموح للعصافير الخضرة تحط ع الغصون ، تزقزق وقت رجوعها واللى مش مسموح

ان الغلابة تبكى بدموعها فى الأزقة والميادين فیه شئ جوانا حزین أغمق من العتمة واصعب من الجرح وفيه سكك لازم يقيد فوانيسها أحبة مااستطعموش الفرح يميلوا بجسدهم ع الطفل الهزيل .. فی ورشته يطبطوا على كتفه ، يفردوا ضحكته من جيل لجيل العنفوان في الصدر والابتسامة الجريئة في الوجوه أيادى تحب "الفارة "والسراق" ومش ممكن تتوه تربط قبة "المتبولي "في دمياط .. بحارة في" البراق " یسری فی عروقها دم حامی وعلى خريطة الوطن تتنتور الاسامي من جمعة سلطان لغسان كنفاني

ومن شهيد "إكياد" لطفل فني الخليل .. مطلوق اسمه على لساني

تتعتر بلدنا في أحجار البلادة وتقوم من تاني تقرا الاغنيات ع الصروح من جرانيت وتكمل الحواديت من على الزييق "للزناتي" السيوف دی صدت ومحتاجين للبنادق وملمس الزنابق وتغاريد الكناري ع الشبابيك البحري يامركبة تجرى في بحرى صوت المقاديف والله واصلني والعيال اللي في الورش عرقهم السيال بيشهدني إن أسامي الاسطوات تفضل قدام ده لإنها خطاوی جرینة بتشق الزحام فما تكتبوش اسمه على الرخام لإنه مكتوب فى دفترك يامصر حقيقة مش أوهام ومش لحظة إنما على الدوام

44/11/44

- 174 -

		سانى الغسسرية	_ <b>÷</b> i
١.	•••••	ريــق الــنــخــــــل	١
10		حـــــان للوطن	*
*1	•••••	أبواب	٣
7 £	•••••	ضـــــــــــــــــــــــــــــــــــــ	£
**	•••••	بنف	٥
44	•••••	الدف	٦
45		· قــــــــــــــــــــــــــــــــــــ	٧
44		ــــــــــــــــــــــــــــــــــــــ	٨
24	••••	حـــــالات الـرجـــــوع	4
٤٧	•••••	لـــــة المــواويــل	١.
ðì	•••••	ريحية العطرشيان	11
•	•••••	مطرمن فسيبسراير	17
٥٩	•••••	كــــاية شـــاي	۱۳
71	•••••	سلك شـــالـك	١٤
٦٥	•••••	وردة أمــــــــــــــــــــــــــــــــــــ	10
٧٣		ر. حسنسين لسلسبسلسد	17

۸۱	 <del>حــــــــــــــــــــــــــــــــــــ</del>	17
۸۳	 خروح	14
	سيسد للوطن	أناث
4.	 أمــــر اشـــــــاك	11
١	 ريـحـــــة الحنــة	۲.
1.4	 ضـــــــــــــــــــــــــــــــــــــ	*1
117	 المــــوت	44
117	 سيوق الحسسسية	22
177	 خيط 6 الاسيط وات	7 £

- 181 -

## صدر عن سلسلة إصدارات الرواد

النبسوى سسلامسة	غنوة شــقــيــانة - شــعــر	١
سيمسيسر الفسيل	الخسيسول - شسعسو	*
مـحـمــد الشـــربينى	روية أخــــرى - قــــمـص	۳
كــــامل الندابى	شــاعـــر الفـــلاحين - دراســـة	ź
مـــجـــدى الجــــلاد	شــــــابيك - شـــعـــر	٥
مسحسمسد العستسر	كـــــــــــــــــــــــــــــــــــــ	٦,
محمد أبو سعدة	تعــالى نغنى – شــعــر للأطفــال	٧
السييسد الغسواب	رباعــــات - شـــعـــر	٨
مسصطفى الأسسمسر	المالوف والحساولة - قسمص	٩
فكرى العـــــــر	صدري تسكنه غسابة - شسعسر	١.
مستصطفى كسنامل	البحث عن عـاشـور الناجي - دارســة	11
مـحــروس الصــيـــاد	مــــافــر يابحــر - شــعــر	1 4
كـــــامل الندابى	ع الرصيف - شيعير	14
السيد الغسواب	رباعــيـات وأغـاني - شـعـر	١٤
مصطفى العسايدى	أصداء من رياح العشق – شعسر	10
	•	

السيسد الغسواب الحسمسار والتسوته - شسعسر حسمل الزمسان أكسبسر - شسعسر عبد العنزيز حب 17 ورد الجنينج - شعسر للأطفسال هالة المغسسلاوي 11 عـــاد الديب صيف مع سبق الإصرار - مسرح 19 السيد الغراب أنا و حسماری - شسعسر ۲. هالة المغسسلاوي - شعر للأطفال 11 ورود السيسة عسامسر ملحاكلمة - شعبر \*\* السييسد الغسواب رباعسيسات الغسواب - شسعسر 22 مسجسموعسة شعر العامية في دمياط - شعر 4 £ القصة في دمياط - قصص مسجسموعسة 40 تاصـــر العـــزبى أنتبهوا أيها اليادة السيدات - مسرح الجنين في شهره الأول - قسص عرض عبد الرازق 24 تنويع على فـــعل - شـــعل محمد سالم مشتى 24 مسجسمسوعسة أندهش البلتساجي فسمسات – رثاء 49 د. حسسام أبو مسيسر قسسيدة ساذجة - شعر ورثاء

۳۹ الحاجز البشرى - قسم فسكسرى داود المسلم راضى المسلم راضى عناقسيسد - شسعسر الحسملة أبو يوسف عروس البحر .. أولاد البحر .. أولاد البحر .. أولاد نوح - قسم حسمي ياسين المسربيني المسلمة مسيسلاد - شسعسر الحسل المسربيني المونون كيف يأتون إلينا - مسرح ناصسر العسزبي

# سلسلة أعلام دمياط

### صدر منها :

سعد الدين عبد الرازق	الدكتور على مصطفى مشرفة	-1
مسصطفى الأسسمسر	الشباعسر مسحسميد الأسبمسر	-4
كــــامل الدابي	الشماعمر على الغماياتي	-4
ناجع البـــــاز	د. عـــــد الرازق نوفل	- £
طاهر أبو فباشيا وآخرون	دمــــاط الشـــاغـــرة	

رقم الإيداع ( ٣٦٥٤ / ٩٨ )

الصياد للكمبيوتر والطباعة الصياد الكواد الحدارات الرواد الصياد للكمبيوتر والطباعة دمياط ١٩٥٦ عناط ١٩٥٩ عناط ١٩٠٩ عن